

湖南文徵

湖南文徵卷三

湖湘後學集編

疏三

明

慎固地方以遏虜寇疏

楊一清

甯夏花馬池興武營清水營直抵高橋兒等處地方乃套賊入寇之門戶然賊之所入雖經於甯夏而其所利則在於腹裏甯夏如能捍禦使賊不敢圻牆而入則腹裏可以無患但恐地方散漫墩堡稀疏士馬單弱不能遏其方張之勢彼既圻牆進入必將抄我環慶犯我固原深入我安會靜甯隆德諸處內有監牧馬匹尤爲賊所窺伺加之土漢雜處易於生變一失保障則

根本動搖故延甯爲手足之疾其禍速而小環固乃腹心之疾其禍遲而大尙書秦紘原擬推選宿將充游擊將軍操練軍士用防不虞深爲有見但當時委任非人致招物議又因邊事稍甯議者遂謂官多人擾奏行革罷未及兩月大虜竊發分抄邊鄙無處無賊守備等官各有信地彼眾我寡徒閉壘以自全分疆畫界至相望而不救於是眾論囂然蓋謂游擊不當革游兵不當散方議奏復而賊情已甯矣臣謂兵無常形事有萬變因時制宜固難執一奏設游擊者乃安內攘外之圖奏革游擊者亦省事惜費之意今北虜得志而驕冬間難保不入河套萬一圻牆深入數必不少陝西游擊將軍似當復設隨處應援截遏

以安人心。且諸鎮一體。如大同游兵應援宣府。延綏游兵應援大同。甯夏游兵應援延綏。則陝西設有游兵。既可保障內地。亦可爲延綏甯夏緊急之援。不爲無益。但添官非難得人。爲難任非其人。平時恣剝削。臨事安可倚仗。非惟來議者之口。抑且壞地方之事。博采得守備固原署都指揮僉事陳善。老成歷練。慣戰知兵。平時撫士有方。遇敵當先不怯。且歷官年久。山川道路險易熟諳。使當折衝禦侮之任。則兵將相知。地利人心兩得。可責成功矣。

清江文苑

清江文苑

清江文苑

清江文苑

清江文苑

清江文苑

清江文苑

清江文苑

清江文苑

清江文苑

清江文苑

清江文苑

清江文苑

清江文苑

預防虜患以保固地方疏

楊一清

切詳此虜去年侵掠陝西。今當皇上龍飛御極之初。乃敢寇我宣府。擾我大同。罪惡貫盈。天怒已極。若再擁眾內侵。鼓我積憤之兵。乘彼既驕之勢。何戰不克。顧我邊地里寬漫。分兵而守。無所不寡。以十當百。似難急嬰其鋒。惟在嚴封疆。守要害。明斥堠。謹禁防。以逸待勞。俟機而動。延甯二鎮。邊備各該守臣。必能先事經理。陝西固靖。環慶地方。先該總制尙書秦紘。修築邊塹一道。甚於保障有益。所患墩堡稀疏。聲援隔絕。故副總兵曹雄。有固原之牆。不如無牆之論。臣今近牆設墩。傍險增堡。聲勢相接。填塞溝塹。坍塌邊牆。次第修補。粗皆就緒。至於分布人馬使守。

要害招集土人使自爲戰不敢慢易以速罪尤但當久玩極弊之餘人馬寡少又復不精語及戰功臣實不敢自保然而形勢戰守得失利害之機亦嘗籌度甯夏花馬池興武營直抵高橋三百餘里地方在北爲虜賊寇我邊境之門戶陝西環慶固原直抵靖虜七百餘里地方在南爲虜賊寇我腹裏之門戶其中有山城萌城石溝鹽池韋州等處乃虜賊出沒經由之道路然賊之所入甯夏邊牆如能捍禦則腹裏可安枕而臥稽今事勢恐未必能但一旦圻牆而入必以精騎守所入之路綴我官兵使不敢南則腹裏安危所繫至重其故不可不講也賊既深入剽掠方張之勢恐非陝西官軍所能當藉諸邊鎮游兵協力捍

禦庶免生民荼毒。然欲成克捷之功，必在乘其旣弊而於中路擊之。爲便查得延甯莊涼游兵，兵部題準聽臣調用。但甯夏游兵僅能自守，莊涼游兵彼處四時有賊，恐難摘調。緩急所倚，惟延綏游奇兵。參將王戟土兵應援之力。若不早爲掣取，直待寇至門庭，方纔移文往來之間，動經旬月，緩不及事，合無鋪馬齎文行令延綏副總兵曹雄游擊將軍姜漢參將王戟作急將所領官軍掣回。曹雄奇兵暫於定邊營住劄，以便延甯兩邊策應。姜漢游兵王戟土兵於花馬池興武營等處按伏。如果達賊入套，擁眾近邊，與甯夏副總兵衛勇參將霍忠協同保勦。靈州守備焦洪并都指揮韓斌等人馬併力捍禦，保固邊牆，不令入境。

甯夏總兵官李祥統領人馬過河暫於靈州駐劄以便河南北調度陝西亦選游兵三千員名暫於韋州按伏以爲聲援且以防山後賊寇乘凍渡河侵犯之謀若是賊勢重大力不能支圻牆入境勢必侵犯腹裏陝西游兵卽當掣回豫旺城防禦延綏游兵土兵聽臣臨期相機調取應援亦在保固邊牆不合圻入彼進不得逞居無所獲久將自退若賊眾不能阻遏長驅而入勢必分散我軍堅壁清野據險以乘之伺便以圖之縱無大得亦無大失仍先以曹雄李祥衛勇姜漢等各枝精兵分布中路山城萌城石溝鹽池紅寺兒韋州一帶城堡按伏秣馬藏鋒蓄銳多遣乖覺夜不收遠爲哨探彼旣深入日久人馬疲敝計其

歸途必出前路陝西將官統領官軍徐躡其後毋逼而追待入
我穀諸路之兵併起而夾擊之陝西官軍奮而逐之或邀其中
或截其尾腹背受敵必敗之道此臣一得之愚敢用預陳以備
采擇

經理要害邊防保固疆場疏

楊一清

臣本菲才。謬膺重託。夙夜兢惕。不遑甯處。切見陝西各邊。延綏城堡據險。甯夏甘肅河山阻隔。賊雖侵犯。止在本境。爲患猶淺。惟甯夏花馬池至靈州一帶。地里寬漫。城堡稀疏。兵力單弱。一或失守。虜眾圻牆而入。其所利不在甯夏。而在腹裏。必將犯我環慶。寇我固原。深入我平鳳臨鞏等府州縣。其間土漢雜處。儻兵連禍結。內變或因之。而作根本動搖。誠非細故。此所謂膏肓之疾。腹心之害也。成化初年。北虜在套。彼時未有邊牆。恣肆出入。後該巡撫甯夏都御史徐廷章等奏修。今邊牆二百餘里。開濬溝塹一道。延綏地方邊牆壕塹。又該巡撫延綏都御史余子

俊修濬完固。北虜知不能犯。遂不復入套者二十餘年。世平人玩。邊備稍疏。牆旣日薄。溝又日淺。宏治十四年。大虜由花馬池圻牆入寇。內郡戕敗。我士卒魚肉我生民。虜人得志。始蔑我邊牆爲不足畏。連年擁眾圻入。我軍動輒失利。先該甯夏鎮巡等官節經議奏。要將舊邊牆幫築高厚。邊塹挑濬深闊。又節該提督軍務都御史史琳等建言。要於花馬池韋州設立營衛。摘撥腹裏官軍防守。兵部奏行總制尙書秦紘勘處。本官泥於所見。止添修四五小堡。及於靖虜至環慶地方。挑挖邊塹一道七百餘里。自謂可以阻遏保障。工完回奏。訖。宏治十七十八二年冬閒。虜復大舉。仍自花馬池清水營圻牆深入搶掠。前項邊塹營

堡不能捍禦阻遏及又將清水營城堡攻陷花馬池官軍殘害上厯宵旰之憂特命愚臣整飭經理臣雖闇劣歷官陝西有年虜情邊事頗嘗究心但腹裏頻年荒旱倉廩空虛饋餉不繼虜賊動號數萬倏聚忽散出沒不常未至而廣徵士馬則徒費芻糧既至而調兵應援則緩不及事縱使大兵既集務速則彼或不來持久則我師先老恐終無以伐其深入之謀沮其方張之勢嘗聞防邊之計莫危於戰莫安於守前人經畫具在已經選委各官將勘過處應該幫築邊牆添設衛所等事前來臣恐坐談不如親見本年五月閒自慶陽環縣歷延綏定邊甯夏花馬池興武清水營直抵靈州一帶邊牆城堡墩臺逐一躬親閱視

臣廣集眾思兼收羣策參酌損益始有定論其大要有四修濬
牆塹以固邊防增設衛所以壯邊兵經理靈夏以安內圉整飭
韋州以遏外侵當務之急莫先於此但修邊一節陝西各該地
方財匱民勞興此大役必多異議然利害有重輕關係有大小
土木之害較之搶殺爲小動搖之患比之勞費爲大大事可成
則小費不足計遠效可圖則近怨不足惜且今河套卽古朔方
之地唐張仁愿築三受降城置烽堠千八百所自是突厥不敢
踰山牧馬朔方無寇歲省費億計減鎮兵數萬受降遠在河外
古之舉大事者未嘗不一勞而後永佚類如此受降據三面之
險當千里之蔽國初舍受降而衛東勝已失一面之險其後又

撤東勝以就延綏則以一面之地遮千餘里之衝遂使河套沃壤棄爲虜巢深山大沙勢顧在彼而甯夏外險反南備河此陝西北虜之患所以相尋而莫之能解也茲欲復守東勝因河爲固東接大同西接甯夏使河套方千里之地歸我耕牧開屯田數百萬用省內郡轉輸斯爲上策顧今之力有未能未敢議及使虜不恆入套或如近年入而遄出猶可支持萬一擁眾在套經年不出則陝西用兵殆無虛日八郡之人疲於奔命民窮盜起雖有智者不能善其後矣及今將延綏甯夏一帶邊防設法整飭賊來有以待之雖不得爲上計猶愈於無策然邊防旣固雖中人可守醜虜聞知或數十年未敢輕犯饋餉可省休養生

息於十數年之後。東勝之議。未必終不可復。天祚皇明。其將有待於他日乎。世之論邊事者。或專主於戰伐。臣亦非敢忘戰者。方將蒐選官軍。策勵將士。修車馬。備器械。儲糗糧。明斥堠。今冬虜賊若復侵犯。仰仗神武之威。謹當督率諸將。恭行天罰。雪恥除兇。臣之志也。今首以築牆挑塹爲言。宜必憎茲多口。但受恩深重。自當爲國遠圖。今年套內無賊。腹裏有秋。人畏稍安。正可以有爲之日。失此不爲。縱令目前無事。後患有所不免。臣何敢幸一時之安。而委患於他人哉。所有應合經理邊防事宜條具。於後。伏望聖明俯垂省覽。

一查得應築邊牆。自延綏定邊營迤東石澇池地界起。至甯夏